

A Imitekerereze y’isi cyangwa iy’ijuru?

❖ Icyo duhozaho umutima (Abakolosayi 3:1–4)

- Pawulo ahereye ku gitekerezo cy’uko mu mubatizo twazukanye na Kristo (Abakolosayi 2:12), adushishikariza gukurikira Yesu aho yagiye nyuma yo kuzuka Kwe: intebe y’ubwami y’Imana (Abakolosayi 3:1).
- Birumvikana ko tuzabishobora mu buryo bugaragara igihe Yesu azatujyanayo ubwo azaba agarutse (Abakolosayi 3:4). Hagati aho, tugomba guhoza amaso yacu ku bintu byo mu ijuru (Abakolosayi 3:2).
- “Twarapfuye”, kandi ubugingo bwacu “bwahishanywe na Kristo mu Mana” (Abakolosayi 3:3). Ubugingo buvugwa hano ni ubwo tubona iyo twemeye Kristo.
- Ariko kugira ngo ubwo bugingo bukomeze kubaho, bugomba kugaburirwa buri munsu (2 Abakorinto 4:16). Buri munsu tugomba gushaka “ibiri jehuru,” “dutumbira Yesu” (Abaheburayo 12:2).

❖ Gupfa ku by’isi (Abakolosayi 3:5–6)

- Kubera ko twazukanye na Kristo kandi tukabaho dutekereza iby’ijuru, tugomba kwica ibitubuza kugera ku ntego yacu: iby’isi.
- Kugira ngo hatagira uwibeshya, Pawulo agaragaza inkingi shingiro z’imitekerereze yo ku isi (nyuma azirambura mu ngingo zifatika): “gusambana no gukora ibiteye isoni, no kurigira no kurarikira, n’imyifurize yose ari yo gusenga ibigirwamana” (Abakolosayi 3:5).
- Kamere ya muntu ntiyigeze ihinduka cyane kuva mu gihe cya Pawulo, kuko tukigoswe na rya rari rirwanya Amategeko Icumu, haba mu nyuguti no mu mwuka wayo.
- None se kuki tugomba “kwica” (kuzibukira, gukuraho) ibi bintu mu bitekerezo byacu no mu byo dukora? Kuko bizana “umujinya w’Imana” bityo bikaba bidahuye n’akamero kacu k’ijuru (Abakolosayi 3:6). Wice iby’isi mbere yuko iby’isi bikwica!

❖ Kwambara iby’ijuru (Abakolosayi 3:7–11)

- Mu buryo bw’imigani, Pawulo yongera ku nkingi eshanu z’imitekerereze y’isi imirimo itanu yo mu isi yo kwirinda: “umujinya, uburakari, igomwa, gutukana, amagambo ateye isoni aturuka mu kanwa kanyu” (Abakolosayi 3:8), maze agasoreza ku murimo wa gatandatu— uhebuje indi kuba mubi—: “Ntimukabeshyane” (Abakolosayi 3:9).
- Pawulo yibwira ko twamaze “kwiambura umuntu wa kera n’imirimo ye” (Abakolosayi 3:9). Twiyambuye “imyenda yacu y’ibizinga” igihe twemereraga Yesu gukuraho ibyaha byacu (Zekariya 3:4).
- Tumaze kwambura iyo myenda, tugomba kwambara “imyenda myiza.” iyo twambaye iyi myenda mishya, dukomeza kuba bashya, buri munsu tugakura mu kwera (Abakolosayi 3:10).
- Uko duhindurwa bashya n’umurimo w’Umwuka Wera no kwiga Ijambo ry’Imana, insika zidutandukanya na bagenzi bacu zirashira (Abakolosayi 3:11).

B Ibiranga imibereho mishya muri Kristo:

❖ Umurunga w'ugutungana (Abakolosayi 3:12–14)

- Turi “intore z’Imana zera kandi zikundwa” (Abakolosayi 3:12). Petero atubwira ko ibi biduhesha inyungu zikomeye n’inshingano ikomeye (1 Petero 2:9). Ariko se umwe mu bagize intore z’Imana agomba kurangwa n’iki (Abakolosayi 3:12–13)?
 - (1) N’imbabazi zuje urugwiro
 - (2) N’ineza
 - (3) No kwicisha bugufi
 - (4) N’ubugwaneza
 - (5) No kwihangana
 - (6) No kwihanganirana
 - (7) No kubabarirana ibyaha
- Kandi ibi byose bikaba mu rwego rw’umurunga w’ugutungana: urukundo (Abakolosayi 3:14). Kandi izi ni zo nyungu n’inshingano zacu:
 - (1) INYUNGU: Mu kwitwara muri ubu buryo, tuba umugisha kuri twe ubwacu ndetse no ku bandi.
 - (2) INSHINGANO: Imyitwarire yacu ihesha Imana icyubahiro, kandi igatera abandi umwete wo kwizera no gukurikira Yesu

❖ Ibyokurya byo mu ijuru (Abakolosayi 3:15–17)

- Abakolosayi 3:15–17 hatwereka uburyo bwo kugaburira kamere yacu y’ijuru (kandi bigaragara ko tudashobora kuyigaburira buri wese ku giti cye, ahubwo mu itorero dukeneye kunganirana kuri ibi):
 - (1) Kwemerera amahoro y’Imana kutuyobora
 - (2) Gukomeza kuba umwe nk’umubiri umwe
 - (3) Gushima
 - (4) Kwiga Bibiliya cyane
 - (5) Kwigishanya ibyo twize
 - (6) Kuririmba za zaburi, indirimbo, n’ibihimbano by’umwuka
 - (7) Gukora byose mu izina rya Yesu
- “Indirimbo ni intwari dushobora gukoresha buri gihe mu kurwanya gucika intege. Uko dufungurira umutima wacu kugira ngo tubone imyambi y’izuba ituruka ku Mukiza uri kumwe natwe, tuzagira ubuzima bwiza n’umugisha We” (Ellen G. White, “*The Ministry of Healing*” [Renger Ubuzima], p. 254”).